

ԵՐԵՎԱՆԻ ՄԱՍԻՆ

ՄԱՅՐ ԱԹՈՒՍ ՍՈՒՐԲ ԷԶՍԻԱԾՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ

ԸՆԴՈՒՆԵԼՈՒԹՅՈՒՆՆԵՐ ՎԵՇԱՐԱՆՈՒՄ

Ամենայն Հայոց Կաթողիկոսն ընդունեց

2 հունիսի

Հունաստանի ազգային պաշտպանության փոխնախարարին

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն ընդունեց աշխատանքային այցով Հայաստան ժամանած Հունաստանի Հանրապետության ազգային պաշտպանության փոխնախարար Նիկոս Հարդալիասին եւ նրա գլխավորած պատվիրակությանը՝ ուղեկցությամբ ՀՀ-ի ՊՆ-ի փոխնախարար Կարեն Բրուտյանի։

Ամենայն Հայոց Կաթողիկոսն իր գոհունակությունը հայտնեց երկու երկրների ռազմական գերատեսչությունների միջեւ ձեւավորված սերտ փոխգործակցության

զորակցության եւ աջակցության համար։ Հունաստանի ազգային պաշտպանության փոխնախարարը, շնորհակալություն հայտնելով Նորին Սրբությունը ջերմ ընդունելության համար, ընդգծեց, որ հայ եւ հույն ժողովուրդների բարեկամությունը գալիս է դարերի խորքից։ Տիար Նիկոս Հարդալիասը, անդրադառնալով հայ-հունական ռազմական համագործակցությանը, նշեց, որ Հունաստանի պաշտպանության նախարարությունը պատրաստակամ է ամեն ջանք ներդնելու այն առավել խորացնելու համար եւ աջակցելու Հայաստանի



պատերազմի արդյունքում արցախահայության, ռազմագերիների, տեղահանված անձանց իրավունքների ուսմահարումներին եւ միջազգային արդարադատությանն առնչվող խնդիրները։

Հանդիպմանը Նորին Սրբությունը, ընդգծելով միջազգային գիտաժողովի կարեւորությունը հատկապես հայ ժողովրդի համար այս դժվարին ժամանակներում, հույս հայտնեց, որ իրավաբաններն ու միջազգային իրավունքի առաջատար փորձագետները հաղորդ կդառնան Հայաստանի ու Արցախի առջեւ ծառացած մարտահրավերներին եւ միջազգային հարթակներում կպաշտպանեն հայ ժողովրդի արդար իրավունքները։

Զրույցի ընթացքում Նորին Սրբությունն անդրադարձ կատարեց նաեւ արցախյան 44-օրյա պատերազմին եւ դրա հետեւանքներին, գերիների վերադարձման խնդրին,

Ադրբեջանի կողմից տարվող հայատյաց քաղաքականությանը, որն ուղղված է ոչ միայն արցախահայության, այլեւ Ադրբեջանի վերահսկողության տակ հայտնված համամարդկային նշանակություն ունեցող կրոնական, հոգեւոր-մշակութային կոթողների դեմ։

Հայոց Հովվապետը նաեւ իր գնահատանքը փոխանցեց գիտաժողովի կազմակերպիչներին եւ մասնակիցներին նման կարեւոր նախաձեռնությունը դրսևորելու համար՝ փորձելով նպաստել հետպատերազմյան դժվարությունների հաղթահարմանը։

Հանդիպմանը Վեհափառ Հայրապետը պատասխանեց նաեւ հյուրերի հարցերին, որոնք առնչվում են հայկական հոգեւոր արժեքների պահպանությանը եւ այդ ուղղությամբ Մայր Աթոռի կողմից իրականացվող աշխատանքներին։



առնչությամբ։ Անդրադարձ կատարելով տարածաշրջանում տիրող բարդ իրավիճակին՝ Նորին Սրբությունն իր մտահոգությունն արտահայտեց Հայաստանի եւ Արցախի նկատմամբ Ադրբեջանի ուսմագոյությունների եւ չդադարող սպառնալիքների առնչությամբ։ Այս առիթով Հայոց Հովվապետը վստահություն հայտնեց, որ ՀՀ-ի զինված ուժերը կկարողանան ոգի եւ կամք դրսևորել՝ կանխելու Ադրբեջանի ռազմատենչ նկրտումները։ Ամենայն Հայոց Կաթողիկոսը, ի դեմս պրն Նիկոս Հարդալիասի, իր երախտագիտությունը հայտնեց Հունաստանի իշխանություններին եւ ժողովրդին՝ արցախյան պատերազմի ծանր օրերին Հայաստանին ցուցաբերած եղբայրական

նին առկա մարտահրավերների հաղթահարման գործում։

Զրույցի ընթացքում անդրադարձ կատարվեց միջեկեղեցական փոխհարաբերություններին։ Այս կապակցությամբ Ամենայն Հայոց Կաթողիկոսն իր եղբայրական ողջույններն ու բարեմաղթանքները փոխանցեց Աթենքի ու Համայն Հունաստանի Հիերոնիմոս Երկրորդ Արքեպիսկոպոսին։

Վեհափառ Հայրապետը մաղթեց, որ Աստծու ամենախնամ Աջի պահպանության ներքո հայ-հունական հարաբերություններն արդյունավորվեն նորանոր իրագործումներով՝ ի նպաստ եղբայրական երկու ժողովուրդների բարօր ու խաղաղ կյանքի։

4 հունիսի

«Մարդու իրավունքներ եւ պատասխանատվություն. պատերազմի հետեւանքները» միջազգային համաժողովի մասնակիցներին

Ամենայն Հայոց Կաթողիկոսն ընդունեց «Ճշմարտության եւ արդարադատության կենտրոնի» կողմից կազմակերպված «Մարդու իրավունքներ եւ պատասխանատվություն. պատերազմի հետեւանքները» առաջին միջազգային համաժողովի մասնակիցներին։

Հայցելով Վեհափառ Հայրապետի օրհնությունը՝ «Ճշմարտության եւ արդարադատության կենտրոնի» նախագահ Գոռ Մնացականյանը տեղեկացրեց, որ Հայաստան են ժամանել իրավաբաններ եւ միջազգային իրավունքի առաջատար փորձագետներ 16 երկրից՝ քննարկելու 44-օրյա

9 հունիսի

Վեներաբլի հանձնաժողովի նախագահին

Ամենայն Հայոց Կաթողիկոսն ընդունեց Եվրոպայի խորհրդի «Ժողովրդավարություն՝ իրավունքի միջոցով» եվրոպական հանձնաժողովի (Վեներաբլի հանձնաժողով) նախագահ Կլեմ Բագի-Մալորին՝ ուղեկցությամբ ՀՀ-ի Սահմանադրական դատարանի նախագահ Արման Դիլանյանի։

Հանդիպման սկզբում պրն Դիլանյանը Նորին Սրբությանը ներկայացրեց Հայաստանի Հանրապետության ՄԴ-ի եւ Վեներաբլի հանձնաժողովի միջեւ ձեւավորված ջերմ ու գործակցային հարաբերությունները՝ հույս հայտնելով, որ այս այցը նոր զարկ կհաղորդի այդ համագործակցությանը։

Ամենայն Հայոց Կաթողիկոսն իր գոհունակությունը հայտնեց ՀՀ-ի դատաիրավական համակարգի եւ Վեներաբլի հանձնաժողովի միջեւ առկա սերտ գործակցության



եւ այն առավել արդյունավորելու ուղղությամբ ներդրվող ջանքերի համար եւ իր գնահատանքը բերեց հանձնաժողովին՝ Հայաստանի Հանրապետությանը ցուցաբերվող աջակցության ու անհրաժեշտ խորհրդատվության համար։ ➔ էջ 2

ԸՆԴՈՒՆԵԼՈՒԹՅՈՒՆՆԵՐ ՎԵՀԱՐԱՆՈՒՄ

Ամենայն Հայոց Կաթողիկոսն ընդունեց

Վենետիկի հանձնաժողովի նախագահին

← էջ 1

Վեհափառ Հայրապետն անդրադարձավ նաև արցախյան 44-օրյա պատերազմի հետևանքներին, գերիների վերադարձման հարցին, Արցախի ժողովրդի անվտանգության խնդրին եւ ոտնահարված իրավունքներին, ինչպես նաև Ադրբեջանի կողմից տարվող հայատյաց քաղաքականությանը, Ադրբեջանի վերահսկողության տակ հայտնված տարածքներում հայկական հոգեւոր-մշակութային ժա-

ռանգության նկատմամբ ոտնձգություններին:

Իր հերթին Վենետիկի հանձնաժողովի նախագահ Կլեմ Բազի-Մալորին մշեց, որ ՀՀ-ի ՄԴ-ի եւ Վենետիկի հանձնաժողովի միջեւ առկա փոխըմբռնման ոգին էլ ավելի կնպաստի երկու կառույցների հարաբերությունների խորացմանը:

Զրույցի ընթացքում կարեւորվեց նաև Եկեղեցու առաքելությունը մարդու իրավունքների եւ արդարության պաշտպանության գործում:

Այս առիթով Ամենայն Հայոց Հայրապետն իր մասնավոր գնահատանքը բերեց առաջնորդական տեղապահին՝ իրականացրած աշխատանքների եւ նվիրյալ ծառայության համար:

Իր հերթին Գեղարքունիքի մարզպետ տիար Կարեն Սարգսյանը, շնորհակալություն

հայտնելով Ամենայն Հայոց Կաթողիկոսին ջերմ ընդունելության համար, գնահատեց թեմի հոգեւորականների գործունեությունը՝ ուղղված մարզի բնակչության հոգեւոր կյանքի ամրապնդմանն ու առկա դժվարությունների հաղթահարմանը:

10 հունիսի

Ֆրանսիայի Ալֆովիլ քաղաքի հայկական դպրոցի աշակերտներին



Գեղարքունիքի մարզի համայնքապետերին

Ամենայն Հայոց Կաթողիկոսն ընդունեց ՀՀ-ի Գեղարքունիքի մարզպետ տիար Կարեն Սարգսյանին, մարզի համայնքապետերին, մարզում սպասավորող հոգեւորականներին՝ առաջնորդությամբ Գեղարքունիքի թեմի առաջնորդական տեղապահ Պարթեւ վրդ. Բարսեղյանի:

Հանդիպումն սկսվեց Տերունական

Հայրապետին թեմի հանդեպ ցուցաբերվող հայրական հոգատարության համար:

Հայոց Հովվապետը, իր հայրական օրհնությունը փոխանցելով հյուրերին, գոհունակություն հայտնեց թեմի ու մարզի միջեւ հաստատված արդյունավետ համագործակցության համար, որը, ըստ Նորին Սրբության, պիտի նպաստի մարզի շենացմանն ու ազ-



աղոթքով, որից հետո հայր սուրբը, Նորին Սրբությանը ներկայացնելով հյուրերին, իր երախտագիտությունը հայտնեց Վեհափառ

գաբնակչության բարօրությանը, հետպատեւորազմյան մարտահրավերների հաղթահարմանը եւ ծառացած խնդիրների լուծմանը:

Ամենայն Հայոց Կաթողիկոսն ընդունեց Ֆրանսիայի Ալֆովիլ քաղաքի Սուրբ Մեսրոպ հայկական դպրոցի շուրջ 40 աշակերտների:

Դպրոցի տնօրեն տիկին Նորա Թաշճյանը, հայցելով Ամենայն Հայոց Կաթողիկոսի օրհնությունը, տեղեկություններ փոխանցեց դպրոցի ստեղծման պատմության, իրականացվող ծրագրերի եւ եկեղեցի-դպրոց փոխգործակցության մասին:

Վեհափառ Հայրապետը, ողջունելով աշակերտներին, գոհունակությամբ արձանագրեց, որ գեղեցիկ ավանդույթ է դարձել Ֆրանսիայի մեջ գործող հայկական դպրոցների ու վարժարանների սաների այցելությունը Մայր Աթոռ Ս. Էջմիածին:


Նորին Սրբությունը հանդիպման ընթացքում հորդորեց դպրոցի սաներին Հայաստանից ստացած տպավորություններով

կերտված տեսիլքով շարունակել ուսումնառությունը եւ իրենց նպաստը բերել հայրենիքի զորացմանն ու շենացմանը:

Հայոց Հայրապետը նաև իր գնահատանքը հայտնեց դպրոցի տնօրենությանը, ուսուցչական անձնակազմին եւ հոգաբարձուներին՝ Հայաստան եւ Մայր Աթոռ այցելություններ կազմակերպելու համար՝ մաղթելով արգասաբեր իրագործումների շարունակականություն եւ բարի տեսլականների իրականացում:

Իրենց հերթին աշակերտները երաժշտական կատարումով հաճելի անականկալ մատուցեցին Վեհափառ Հայրապետին:

Վերջում Ամենայն Հայոց Կաթողիկոսը Պահպանիչ աղոթքով օրհնեց դպրոցի աշակերտներին՝ նրանց ընծայելով սրբապատկերներ եւ խաչեր:



Հայրառեւական սնօրինություն

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի հայրապետական տնօրինությամբ սույն թվականի հունիսի 1-ից Վրաստանի հայոց թեմի առաջնորդական տեղապահ Կիրակոս վրդ. Դավթյանը մշտնապես էլ Վրաստանի հայոց թեմի առաջնորդ:

Վարդառեւական թեզի Պաշտոնություն Մայր Աթոռ Սուրբ Էջմիածնում

Հունիսի 8-ին, Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի օրհնությամբ, Մայր Աթոռ Սուրբ Էջմիածնի «Վաչե եւ Թամար Մանուկյան» մատենադարանում տեղի ունեցավ վարդապետական թեզի բանավոր պաշտպանություն:

Վարդապետական աստիճան ստանալու համար թեզ պաշտպանեց Կ. Պոլսի հայոց պատրիարքության միաբան Հարություն աթղ. Տամատյանը՝ «Կ. Պոլսո պատրիարքության վանական/դպրեվանական կյանքը» թեմայով:

Հանձնաժողովը նախագահում էր Տավուշի թեմի առաջնորդ Բագրատ եպս Գալստյանյանը: Հանձնաժողովի կազմում ընդգրկված էին նաև Շիրակի թեմի առաջնորդ Միքայել եպս Աջապահյանը, Արագածոտնի թեմի առաջնորդ Սկրտիչ եպս Պողոսյանն ու Մասյացոտն թեմի առաջնորդ Գեորգ եպս Սարոյանը:

Պաշտպանության ընթացքում հայր սուրբը ներկայացրեց իր վարդապետական թեզը, պատասխանեց հանձնաժողովի անդամների ու ներկաների հարցերին:

Քննիչ հանձնախումբը դրական եզրակացություն տվեց վարդապետական թեզի պաշտպանությանը եւ արժանի համարեց Հա-



րություն աթղ. Տամատյանին շնորհելու մասնավոր վարդապետության աստիճան: Օրեր անց, Ամենայն Հայոց Կաթողիկոսի հայրապետական բարձր տնօրինությամբ, ձեւավորված ավանդության համաձայն, Օշականի Սուրբ Մեսրոպ Մաշտոց եկեղեցում կատարվեց մասնավոր վարդապետական աստիճանի տվչության հատուկ արարողություն:

Տոնախմբվեց Սուրբ Հռիփսիմյանց կույսերի հիշատակը



Նունիսի 13-ին Հայաստանյայց Առաքելական Ս. Եկեղեցին տոնախմբեց Սուրբ Հռիփսիմյանց կույսերի հիշատակը: Տոնական այդ օրը նաև Սուրբ Հռիփսիմե վանքի ուխտի օրն է:

Առավոտյան Մայր Աթոռ Ս. Էջմիածնից եկեղեցականների թափորը, հավատացյալները, Էջմիածնի հայրույթյա տան սաների թմբուկների զարկերի ներքո, շարժվեցին դեպի Ս. Հռիփսիմե վանք՝ տանելով սուրբ Հռիփսիմեի մատուցները: Սուրբ Գրիգոր Լուսավորչի կամարի առջև Ամենայն Հայոց Հայրապետը, սրբազան Աջով օրհնելով հոգեւոր դասին եւ ներկա բարեպաշտ ժողովրդին, այն փոխանցեց Մայր Աթոռի լուսարարապետ Մուշեղ եպս Բաբայանին: Ս. Հռիփսիմե վանքի առջև վանքի հոգեւոր սպասավորները եւ տարբեր վայրերից ժամանած բազում ուխտավորներ դիմավորեցին թափորը՝ Մայր Աթոռ Ս. Էջմիածնի վանորդից տեսուչ Արտակ եպս Տիգրանյանի գլխավորությամբ:

Տոնի առիթով վանքում մատուցվեց Պատարագ: Պատարագիչն էր Ս. Հռիփսիմե վանքի վանահայր Անդրանիկ վրդ. Գեւորգյանը:

Հայր սուրբը, անդրադառնալով օրվա խորհրդին, հորդորեց հավատավոր ժողովրդին ս. Հռիփսիմեի բարեխոսությամբ աղոթքով հայցել Աստծուն հայրենի երկրի խաղաղության համար: «Թող սուրբ կույսի օրհնությունը մեզ ամենքիս վրա լինի, որպեսզի նույն ոգով, նույն անդրդվելիությամբ կարողանանք դիմակայել ու հաղթահարել մեր հայրենի երկրին պատահած փորձությունները, եւ մեր Տիրոջ պարգեւած ամեն մի գալիք օրն ապրենք քրիստոնեական կենցաղավարությամբ ու հայրենիքը շենացնենք նախանձախնդիր ոգով»,— եզրափակեց հայր Անդրանիկը:

Պատարագի ավարտին, հանդիսապետությամբ Արտակ եպս Տիգրանյանի, սրբուհու մատուցակիր Աջով կատարվեց հավատացյալների օրհնություն եւ Անդաստանի կարգ:

Տոնախմբվեց Սուրբ Գայանյանց կույսերի հիշատակը

Նունիսի 14-ին Հայաստանյայց Առաքելական Սուրբ Եկեղեցին տոնեց Ս. Գայանյանց կույսերի հիշատակը:

Առավոտյան Մայր Աթոռից եկեղեցականների հանդիսավոր թափորը էջմիածնի հայրոցյաց տան սաների թմբուկների զարկերի ներքո առաջնորդվեց Ս. Գայանյան վանք: Թափորը մինչև Սուրբ Գրիգոր Լուսավորչի կամար գլխավորեց Ն. Ս. Օ. Ս. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը՝ մասունքն ամփոփող Աջով օրհնելով բարեպաշտ ժողովրդին: Այնուհետև Վեհափառ Հայրապետը մասունքակիր Աջ փոխանցեց լուսարարապետ Մուշեղ եպս Բաբայանին:


Ս. Գայանյան վանքի առջև թափորը դիմավորեցին վանորդից տեսուչ Արտակ եպս Տիգրանյանը, վանքի հոգեւոր սպասավորներն ու բազմաթիվ հավատավոր հայորդիներ:

Ս. Գայանյան վանքում մատուցվեց Պատարագ: Պատարագիցն էր Ս. Գայանյան վանքի վանահայր Մատթեոս վրդ. Պողոսյանը:

Իր քարոզում հայր սուրբն անդրադարձավ Գայանյանց կույսերի կյանքին եւ նահատակության պատմությանը:

«Հռիփսիմյանց ու Գայանյանց նահատակությամբ եւ Միածնի էջըով հայոց երկիրն ու ժողովուրդը դարձան Աստուծո ընտրյալը», — ասաց հայր Մատթեոսը՝ հորդորելով հավատացյալ ժողովրդին մշտապես հայցել սուրբ Գայանյանց եւ Հռիփսիմյանց բարեխոսությունն առ Աստված, որպեսզի Տերը միշտ պահապան լինի մեր երկրին ու ժողովրդին, եւ Քրիստոսի բարեբեր խաղաղությունն իջնի աշխարհի վրա:

Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի



Հոգեգալստեան «Վմէն. ալելուիա»-ն Սեւանի մէջ

Բնութամբ եւ հոգեւորով այսքան գիրկընդխառնուած Սեւանի թերակղզին Հոգեգալստեան տօնին յատուկ ոգեւորութեամբ կը շրջապատուի, քանի Ս. Յարութեան յաջորդող յիսուներորդ օրը՝ Հոգեգալստեան, այս օրհնեալ համալիրի տարեկան տօնախմբութեան կը զուգահեյտի: Հոգեգալստեան, ըլլալով քրիստոնէական եկեղեցւոյ կարեւորագոյն տօներէն մին, արդէն իսկ կարող է եկեղեցիները տօնական տրամադրութեամբ օժտելու, Ս. Հոգին Աստուծոյ առաքելներու դասու վրայ հանգչելու աստուծաշնչական աւետիսով: Իսկ Սեւանի ծովահայեաց վանական համալիրը կրկնակի խանդավառութեամբ կը պարուրուի, երբ ուխտաւորներ կը փութան դէպի Սեւան՝ թէ Հոգեգալստեան տօնելու համար այս խորհրդաւոր սրբավայրին մէջ եւ թէ տարեկան ուխտագնացութեան առթիւ յատուկ ուխտի աղօթքներ մատուցանելու առ Աստուած բարեխօսութեամբ սուրբ առաքելոց: Ուստի նախ տօնական Ս. Պատարագ կը մատուցուի ամենայն հանդիսաւորութեամբ, եւ ապա՝ վանքի բակը տեղի կ'ունենայ Անդաստանի արարողութիւնը:

Ս. Էջմիածնէն դէպի Սեւան փոխադրուած մասունքը

Սեւանի տօնախմբութեան առթիւ Մայր Աթոռ Ս. Էջմիածնի գանձատունէն դուրս կը բերուի Ս. Առաքելոց մասունքակիր պահա-

րանը, որպէսզի հաւատացեալներ մօտենան մասունքին եւ օրհնութիւն ստանան ըստ իրենց հաւատքին: Այս տրամադրութեամբ Ս. Էջմիածնի Մայր տաճարին առջև համբուրելէ յետոյ մասունքը՝ ուղղուեցայ դէպի Սեւանավանք՝ որպէս ճանապարհորդակից ունենալով հայր Ջատիկ վարդապետը: Սօսաւորապէս մէկուկէ միւսայ ճանապարհին յետոյ հասանք Սեւանի Վազգէնեան ճեմարանը, ուր դիմաւորուեցանք ճեմարանի փոխտեսուչ եւ Սեւանավանքի վանահայր տէր Մինաս քահանայի եւ երէցկոջ կողմէ:

Վերջին անգամ ձմեռան շրջանին ներկայ եղած էի Սեւանի մէջ՝ ջերմ հիւրընկալութեամբ տեսուչ հայր Երեմիա վարդապետի, եւ ամէն տեղ ձիւնազարդ էր ու բնութիւնը՝ հագած իր սպիտակ զգեստը: Սեմեակէս կը տեսնէի դուրսը՝ հանդերձ մատուռով ու շրջակայ համալիրով, ուր իշխող էր ձիւնը:



Ներկայիս ալ, որպէս համալիր եւ աղօթատեղի, ամէն ինչ տեղին էր, աչքառու տեսքով: Սակայն այս անգամ շրջանը բոլորովին տարբեր էր՝ ծաղիկներով ու խոտերով, քանի գարունը եկած ըլլալուն՝ արդէն իսկ զգալիօրէն ծիլեր արձակուիլ սկսած էին: Սպիտակ բնութիւնը արդէն իսկ իր զարթօնը կ'ապրէր. ամէն տեղ դալարապատ դարձած էր: Կարծեք՝ կարճ ժամանակի մէջ գաղտնի ձեռք մը, ի ձեռքն ունենալով վրձին մը, բոլորովին կանաչեց զունազարդած ըլլար ամէն տեղ: Համար ճանապարհորդութեան ընթացքին այս իրողու-

թեան վրայ կեդրոնացած էի, եւ Սեւանի շքեղ տեսքն անգամ մը եւս հրաւիրեց զիս դալարապատ ու կենդանի բնութեան մէջ կրկնելու սաղմոսաց փառաբանչական տողերը, վասն զի արարողութիւնը գեղատեսիլ բնութեան մէջ առաւել եւս պիտի իմաստաւորուէր. «Ամոր ձեռքին մէջ են երկրի խորունկ տեղերը, ու լեռներուն բարձրութիւնները անորն են: Իրն է ծովը, ու ինք շինեց զանիկա, եւ իր ձեռքերը ստեղծեցին ցամաքը: Եկէք, երկրպագութիւն ընենք ու ծոխնք. ծունկ կրկնենք մեզ ստեղծող Տէրը առջև» (Սղմ. Դե 4-6):

Հանդիսաւոր թափոր դէպի Ս. Առաքելոց եկեղեցի

Օրուան խորհուրդի հանդիսաւորութեան համապատասխան Վազգէնեան ճեմարանի մայր մուտքէն դէպի Ս. Առաքելոց հանդիսաւոր թափոր պետք է կազմուէր: Նախքան ս. Պատարագը կատարելի այս խորհրդաւոր ծիսակատարութիւնը, չէի գիտեր, որ այսքան տպաւորութիւն պիտի թողուր ուխտաւորներու վրայ: Տէր Մինաս քահանան ի ձեռքն ունէր մասունքակիր պահարանը, եւ իր կողքին խաչով ու Աւետարանով վեղարաւորներս կանգնած էինք: Մեր առջեւ կը գտնուէին, իրենց գեղեցիկ դպրական շապիկներով ճեմարանականներ, որոնք խաչով, խաչվառով եւ զարդեղանքով կ'առաջնորդէին մեզ: ➔ էջ 5, 7

Ներսէս Շնորհալու ստեղծագործութիւններին մանկավարժական բնույթը

«Վիպասանութիւն պոետնը»՝ որպէս հայ ժողովրդի պատմութեան դասագիրք

Սկիզբը՝ թիվ 9—10

«Վիպասանութիւնը» կառուցվածքային առումով կազմված է նախերգանքից, բուն նյութից, հիշատակարանից, որը վերջերգի դեր է կատարում: Շնորհալին համեմատաբար փոքր ծավալի մէջ խտացրել է հայ ժողովրդի պատմությունը՝ «յառաջին մարդոյն սկսեալ» մինչև «ի մերս հասուցեալ»: Նախերգանքն ունի ծրագրային նշանակություն. հեղինակն այստեղ խոսում է իր երկի ստեղծման նպատակի, ստեղծագործական գլխավոր մեթոդների մասին: Շնորհալին ունի սերունդների կապի պահպանման, հետեւաբար նրանց ավանդների շարունակման հստակ գիտակցություն, ինչը նաեւ սովորեցնում է ընթերցողին. որդին պարտական է հորը եւ պետք է հատուցի նրա վարձը (Ներսէս Շնորհալի, Վիպասանութիւն, Երեւան, Հայկական ՍՍՀ ԳԱ հրատ., 1981, էջ 30: Այսուհետ այս գրքից կատարված մեջբերումների պարագայում կնշվի միայն էջը):



Պարտապան հորն է որդի
Հատուցանել վարձ ծնողի...

Երկում առկա թերացումները, պակասությունները հեղինակը վերագրում է իր երիտասարդ հասակին եւ թերի կրթությանը, իսկ որպէս բարձրագույն կրթության չափանիշ՝ բերվում է հեղինակական կրթության օրինակը: Շնորհալին նշում է, որ ինքը տակավին հմուտ չէ գիտությունների մէջ, չի

ստացել հեղինակական կրթություն, չի կրթվել Աթենքում, ուր Պլատոնի ճեմարանն է, չի սովորել հունարարական բանաստեղծական արվեստը եւ Արիստոտելի տասը ստորոգությունները (կատեգորիաները), չի ուսումնասիրել բանաստեղծական խոսքի քերթման, այսինքն՝ ստեղծման արվեստը: Այս առիթով մի շատ կարեւոր ու հետաքրքիր դիտարկում է անում Հրանտ Թամրազյանը. Շնորհալու՝ նախերգանքում տրված ինքնաբերական գրությունները, սեփական պակասությունների մատնանշումը նա համարում է ոչ միայն ինքն իրեն, այլեւ ժամանակի բանաստեղծին առաջադրած պայմաններ. «Ուրեմն, նա, թեւ խոստովանում է իր թերությունները, սակայն հենց դրանով շատ բարդ եւ բազմակողմանի գործ է համարում բանաստեղծական երկի ստեղծումը: Բանաստեղծը պետք է ունենա կրթություն, գիտություն, իմանա իմաստասիրություն եւ տաղաչափություն, ճարտասանություն եւ քերականություն, խոսքի հղկման եւ ստեղծման գաղտնիքներ» (Հ. Թամրազյան, Հայ

քննադատություն, գիրք Բ, Երեւան, 1985, էջ 306):

Ապա Շնորհալին գրում է իր երկի ստեղծման նպատակի մասին: Դեռեւս այդչափ երիտասարդ տարիքում նա լավ է գիտակցել, որ բանաստեղծությունն ունի դաստիարակչական մեծ արժեք, հասկացել, որ օրինակի միջոցով սովորեցնելն ավելի արդյունավետ կլինի: Այս մոտեցմամբ էլ Շնորհալին ձգտում է փառաբանել նախնիների քաջությունը եւ լավ գործերը եւ, ընդհակառակը, պախարակել ոմանց անբարի արարքները, վատ համբավն ու անունը (էջ 34):

Չունանց պատմել յոյժ գովելի
Չարիութիւնսն պանծալի,
Չունանց ճառել զգործս անբարի
Եւ զվատ անունս յաշխարհի:
Չի որ բարոյն է բաղձալի,
Առ ի բարեաց նախանձ շարժի,
Եւ որ չարին խնամ տանի,
Յօրինակաց աստ կշտամբի:

➔ էջ 8

Րաֆֆու «Դավիթ Բեկ» պատմավեպը

Լրանում է Դավիթ Բեկի սխրագործության 300 տարին: Այս երեք հարյուր տարվա ընթացքում մենք՝ որպես հայ ժողովուրդ, մեր ազգային ծրագրերի իրականացման ճանապարհին պարտական ենք նաև նրան: Այդ բարձր գիտակցությունը ժամանակին ոգեշնչեց Րաֆֆուն՝ գրելու իր «Դավիթ Բեկ» պատմավեպը:

Ա.

Րաֆֆին ռոմանտիկ էր, այլ կերպ՝ գաղափարապաշտ: Ազգային վերակայացման գաղափարաբանության նպատակով նա ստեղծեց սերունդներին գործնական օրինակ տվող հերոսներ: Դա թե՛ պարսկահայության եւ կովկասահայության կյանքը նկարագրելիս («Սալբի», «Յարեն», «Ոսկի աքաղաղ»), թե՛ ծրագրային վեպերում («Ջալալեդդին», «Խենթը», «Կայծեր») եւ թե՛ պատմավեպերում («Դավիթ Բեկ», «Պարույր Հայկազն», «Սամվել»): Եվ, իրոք, Րաֆֆու այս վեպերից ծնվեցին ոչ միայն ազգային հերոսներ, այլև ազգային կուսակցություններ ու գաղափարախոսություններ:

1877—1878 թթ. ռուս-թուրքական պատերազմը ազգային վերականգնումի նոր հույսեր էր ներշնչել հայ ժողովրդին: Րաֆֆին այդ հույսերի արտահայտիչն էր: Դավիթ Բեկի կերպարը մարմնավորելու համար վիպասանը պատմական հիմքեր էր որոնում, իսկ միակ հիմքը Մխիթարյան միաբան Ղուկաս Սեբաստացու «Դավթ Բեկ կամ պատմություն մարտից Ղափանցոց» աշխատությունն էր: Սեբաստացին իր հերթին օգտվել է Դավիթ Բեկի հետ ազատագրական սխրանքն իրականացրած իրական հերոսների պատմածներից, որպիսիք են Ստեփանոս Վրդանիսյան-Շահումյանը, քահանա Տեր Ավետիքը, նաև ուրիշներ: Ինքը՝ Ղուկաս Սեբաստացին, որ ավագանի ազգանունով Ստեփանյան էր, գրավոր հուշեր ուներ պատմական այդ իրադարձության մասին. ահա, իր հուշերի եւ նշված պատմությունների միավորմամբ 1736—1737 թթ. շարադրում է հիշյալ գիրքը: Այս ամենը նշանակում է, որ ամեն ինչ պատմականորեն վավերական է: Սեբաստացու աշխատության հիմամբ

ստեղծվել է նաև Աբգար Գուլամիրյանի խմբագրած «Դավթ Բեկ. Ընտիր պատմություն Դավթ Բեկին եւ պատերազմացն հայոցն Խափանու, որը եղեն ընդդեմ թուրքաց...» տարբերակը, որը Վաղարշապատում լույս է տեսել 1871 թ., ինչն էլ ծանոթ էր Րաֆֆուն: Իսկ Սեբաստացու աշխատությունը, այսինքն՝ գրքի մայր օրինակը, Մխիթարյան միաբան Սամուել Արամյանի աշխատասիրությամբ լույս է տեսել շատ ավելի ուշ (Վենետիկ, 1978): Այդ հրատարակությունը նույն 1978 եւ 1992 թվականներին Արշակ Մարդանի փոխադրությամբ եւ առաջաբանով լույս տեսավ նաև արևելահայերեն:


Վեպը գրելիս Րաֆֆին մեծապես օգտվել է նաև իր ճանփորդական տպավորություններից, ձեռքի տակ է ունեցել պատմական այլ սկզբնաղբյուրներ (եսայի Հասան-Ջալալյանց, Պետրոս Դի Սարգիս Գիլանենց, Միքայել Չամչյան, Ղուկաս Ինճիճյան):

1880 թվականին վեպն արդեն պատրաստ էր: «Մշակ»-ում տպագրվելու ընթացքում (1880—1882) նա նյութի հարստացման, բնաշխարհի, պատմական միջավայրի կենդանի պատկերման պահանջ է զգում, այդ իսկ նպատակով ընդհատում է տպագրությունը եւ 1881-ի հունիսի 25— հոկտեմբերի 30 ժամանակահատվածում ճանապարհորդում Մեծ Սյունիքում ու Փոքր Սյունիքում, այսինքն՝ Արցախում: Այդ ընթացքում ոտքի տակ է տալիս ամբողջ Արցախն ու Չանգեզուրը, տեսնում է Գանձակը, Սիսիանը, Բարգուշատը, Չավոդուրը, Կապանը, Մեղրին, Օրդուբադը, Նախիջևանը... Հավաքում է փաստեր, հիշողություններ, ավանդազույցներ, անում տարատեսակ գրառումներ...

Վերադարձին ապագա հրատարակության համար նախ վերախմբագրում է տպագրված էջերը եւ ապա նոր լիցք հաղորդում չտպագրված նախնական շարադրանքին: Սա արդեն Րաֆֆու սխրանքն էր, որ պատմության չոր ու ցամաք թվերին ուզում էր ավելացնել կենսական միջավայր, պատմաաշխարհագրական տարածություն եւ պատմականորեն ներկա ժամանակ, քանի որ վիպական գործողությունները կատարվում են որպես կենդանի ընթացք եւ ոչ թե պատմվում: Այսինքն՝ պատմավեպը նրա համար ոչ միայն պատմության ժամանակագրություն էր, այլև մշակույթի պատմություն. ինչպես էին հագնվում, ինչպես էին հարաբերվում, ինչ կառուցվածք ունեին տները, ինչ կահավորում ունեին սենյակները, ինչ էր հայ ընտանիքը, ինչ էր հայ ժողովուրդը հասկացությունը, ինչ էին ուտում, կենցաղի ինչ առարկաներ էին գործածում, նաև ինչ ճանապարհներ ու հանգրվաններ, սարեր ու ձորեր կային: Այս ճանապարհորդությունը ոչ միայն հագեցրեց վեպի «ծարավը», այլև ծնունդ տվեց «Խամսայի մեխիթությունները» (Թիֆլիս, 1882) աշխատությանը, որ Արցախի 1600—1827 թվականների պատմությունն է:

«Դավիթ Բեկ» վեպը «Մշակ»-ին զուգընթաց մաս-մաս տպագրվում է գրքով, երրորդ վերջին մասը գրքի տեսքով պատրաստ էր 1882-ի մարտին: Վեպի երեք մասը միասին՝ որպես առանձին գիրք, առաջին անգամ լույս է տեսել 1890-ին Թիֆլիսում: Վերնագրի տակ՝ «Պատմական վեպ (1722—1728)»:

Րաֆֆու նպատակն ազգային զարթոնք բորբոքելն էր. ըստ Լեոյի՝ Կիլիկիայի անկումից հետո վերահառնումի առաջին կռվանը Սյունիքի ազգային-ազատագրական պատերազմն էր, որ սկսվեց 1722 թվականին, ավարտվեց 1725-ին՝ Դավիթ Բեկի իշխանության զաւրվ. 1727 թ.: Բեկի մահից հետո, վերսկսեց ու շարունակեց Մխիթար Սպարապետը, եւ 1730-ին ավարտվեց նրա մահվամբ: Դավիթ Բեկի կենսագրական հարցեր կան,



որոնք դեռևս քննարկվում են. ըստ այդմ՝ հոր անունը եղել է Աստվածատուր, պարսիկներն ասել են Ալահվերդի, ապրել է Տաթևում: Չափահաս տարիքում Դավիթը գնացել է Հալի-ձոր՝ հորեղբայր մելիք Փարսադանի մոտ, որը եւ նրան տարել է Վրաստան: Վրաստանում անցել է զինվորական ծառայության, այնտեղից էլ եկել ու գլխավորել է հայրենիքի ազատագրական պայքարը: Ըստ որոշ աղբյուրների՝ Բեկն ունեցել է որդի՝ Մխիթար (տեր Սահակ) անունով: Կա նաև Դավթ Բեկի՝ Սյունյաց երկրի այլ բնակավայրում ծնված լինելու վարկած: Ոմանք, այդ թվում նաև Րաֆֆին, նրան սերում են Օրբելյանների տոհմից:

Այս ամենն այսպես՝ որպես պատմաբանների զբաղմունք, բայց մենք *կառաջնորդվենք Րաֆֆու գրական կերպարի կենսապատումով*՝ կերտված ըստ հավաստի աղբյուրների:

Բ

Վեպի գրական ճարտարապետությունն ի հայտ է բերում Րաֆֆու վիպասանության ամբողջ վարպետությունը: ➔ Էջ 7

Հոգեգալստեան «Ամեն. ակելուխա»-ն Սեւանի մէջ

➔ Էջ 3

Իսկ յետեւը կը գտնուէին ճեմարանի սաները՝ իրենց ճեմարանական հանդերձանքով, ու պատրաստ էին թափորի շարականները երգելու: «Եւ եւս խաղաղութեան զՏէր աղաչեսցուք» քարոզէն յետոյ ճեմարանականներ սկսան երգել Հոգեգալստեան պէսպիսի շարականներ. «Առաքելոյ Աղանոյ», «Աննիւթական Աղանի», «Օրհնութիւն ի Բարձունս», «Սարսափելի»...

Նման որակով թափոր մը, կարծեմ, երկար ժամանակ է վեր չէի տեսած, որ շարականներու երգեցողութեամբ բարձրանանք թերակղզիի մը յատակէն դէպի բարձունքը ու հաւատացեալները օրհնենք մեր ի ձեռքին ունեցած սրբութիւններով: Իմ այնքան սիրած շարականները ճեմարանի սաներու հետ երգելը այնքան մեծ խանդավառանք էր: Ծանրաշարժ քայլերով ընթացանք դէպի վեր ու երբ ժողովուրդին հանդիպեցանք, անոնք եւս համբուրեցին սրբութիւնները եւ միացան թափորին, ու այսպէս իւրաքանչիւր քայլափոխին թափորն առաւել եւս կը իսկայանար: Բնութեան մէջ գոչել Ս. Երրորդութիւնը եւ դաշտերուն մէջ օրհնութիւնը աղերսել մեր Արարչին եւ բնութեան Գեղազարդիչին:

Ուղղուեցանք, երգեցինք, օրհնեցինք, օրհնուեցանք եւ հասանք ի վերջոյ իրաւակղզիի բարձունքը եւ ահա Սեւանալճի հոգեզնայլ տեսքին ընդառաջ՝ թափորը կ'ուղղուէր դէպի Ս. Առաքելոց եկեղեցի: Շրջակայքը կային ոչ միայն հայ ուխտատուներ, այլ օտար ուխտաւորներ, որոնք այս փառաշուք թափորով զմայեծ էին: Երբ մուտք գործեցինք եկեղեցիէն ներս, արդէն իսկ հաւատացեալներ լեցուցած էին տաճարը: Անոնք եւս օրհնելէ յետոյ տէր հայրը մասունքը զետեղեց ծաղկազարդ պատուանդանի մը վրայ, եւ արտասանուեցաւ առաքելոց բարեխոսական աղօթք մը: Այլեւս պատրաստ ենք ս. Պատարագի...

Սեւանի այս համալիրը շատ առիթներով նմանցուցած եմ Աղթամարի Ս. Խաչ եկեղեցւոյ համալիրին, եւ այս թափորն առիթ եղաւ, որ անգամ մը եւս վերյիշեմ Աղթամար կղզիի նաւամատոյցէն դէպի եկեղեցի մեր ունեցած առաջին ճանապարհորդութիւնը՝ հանդերձ մեր ձեռքերուն մէջի նորաշէն ս. Սեղանի մասնակներով:



Տօնական ս. Պատարագ

Ճեմարանականներէ կազմուած երգչախումբն արդէն իսկ պատրաստ էր Հոգեգալստեան տօնական Պատարագին առթիւ կոմիտասեան ու բազմաձայն «Խորհուրդ խորին» երգելու՝ առաջնորդութեամբ Վազգէն դպիրի: Գովելի դպրուի մը եւս իր երգեհոնով կ'ընկերանար երգեցողութեան: Խումբը զուտ արական էր, սակայն անոնց յետին կը գտնուէին ուխտատու հայուհիներ, որոնք եւս իրենց կարգին կը մասնակցէին Պատարագի երգեցողութեան: Օրուան պատարագիչն էր Խորվիրապի վանքի վանահայր հայր Իսահակ վարդապետը: Այլապէս զանգերը ղօղանջեցին, եւ ներկայ ուխտատուրաց եւս ջերմեռանդութեամբ սկիզբ առաւ արարողութիւնը: Վազգէնեան ճեմարանի սաներն այս անգամ եւս լաւագոյնս պատրաստ էին կոմիտասեան երգեցողութիւնը կատարելու, իսկ այս անգամ իրենց գործնաւելի դժուար էր, քանի փոքր, սակայն խորհրդաւոր տաճարի մէջ ուխտատուներու հոսքը կար: Մանուկներ, ընտանիքներ եւ մեծ ծնողք, բոլորը միատեղ արդէն իսկ կեդրոնացած էին արարողութեան: Իրենց մէջ հետաքրքրական

էին մանկանց սիրուն կեցուածքը եւ տաճարի մէջի հանգստութիւնը: Նաեւ նշմարելի էին երկրպագուներուն բազմութիւնը, ծնկաչոք մատուցած աղօթքները:

Այս տրամադրութեամբ արդէն իսկ բոցաշունչ կը դառնայ սարկաւազաց եւ դպարց երգեցողութիւնը, եւ օրուայ խորհուրդին համապատասխան՝ գեղաձայն սպասաւորաց ձայնը կը դառնայ սաստիկ հովու նման ներշնչող՝ ներկայ հաւատացեալները: Այլապէս արարողութեան ընթացքին, ըստ Հայ եկեղեցւոյ աւանդութեան, յետ «Առէք, կերէք»-ի երգութեան Հոգեգալստեան շարականներ, եւ արտասանուեցան ս. Յովհան Ոսկեբերան հայրապետին «ամ Հայր Աստուած», «ամ Որդին Ա. Աստուած» եւ «ամ Հոգին Ա. Աստուած» գրի առած յատուկ աղօթքները: Արտասանողը հոգեւորականն էր, եւ «Ամեն» բացազանջունով միացողը՝ հաւատացեալը: Քանիցս կրկնուեցաւ, որ կը հայցենք Ս. Հոգին Աստուծոյ ներշնչական զօրութիւնը, որով անհատներ կրնան հուրով մաքրուիլ եւ դառնալ հոգեպէս փայլող անմահ ոսկեղէններ: Բոլոր հոգեւորականներս կարգաւ բարձրացանք ս. Խորան, համ-

բուրեցինք ծաղկազարդեալ սրբազան մատուքը եւ արտասանեցինք աղօթքը:

Տէրունական աղօթքէն առաջ քարոզեց պատարագիչ հայր տուրքը եւ միացաւ ս. Յովհան Ոսկեբերանի աղօթական ոգւոյն եւ անդրադարձաւ Հոգեգալստեան դէպքի ազդեցութեան քրիստոնեայ աշխարհէն ներս եւ յիշեցուց, թէ առաքեալներ ինչպէս Ս. Հոգիով զօրացան ու դարձան Աւետարանի քարոզիչներ: Այս ուղղութեամբ շեշտեց, որ Ս. Հոգին կը գործէ մարդ արարածի կեանքէն ներս, որպէսզի մարդը կատարեալ իմաստով կարողանայ միանալ Աստուծոյ հետ եւ վերստին շարունակել իր կեանքի նպատակին:

Անդաստան

Սեւանավանքի մէջ նախապէս եւս Պատարագի մասնակցած էի, եւ աշակերտաց ու հաւատացելոց ներքին տրամադրութիւնը որոշակի իմաստով ծանօթ էր ինձի: Սակայն արարողութեան յաջորդած «Անդաստան»-ի արարողութիւնը պիտի դառնար եզակի ապրումներու միջոցը, քանի Սեւանալճի ափին կատարելի արարողութեան մը առաջին անգամ մաս եւ բաժինը պիտի դառնայի: Ահա այս է պատճառը, որ յետ Պատարագի կատարուած այս արարողութիւնն առաւել եւս հոգածութեամբ ներկայացուի:

«Անդաստան»-ի արարողութեան մասին, երբ կը մտածեմ, եկեղեցական ծիսակատարութենէ առաջ հանճարեղ բանաստեղծ Դանիէլ Վարուժանի «Անդաստան» բանաստեղծութիւնը կը յիշեմ. «Արեւելեան կողմն աշխարհի հաղաղութիւն թող ըլլայ... Արեւմտեան կողմն աշխարհի Բերրիութիւն թող ըլլայ... Հիւսիսային կողմն աշխարհի Առատութիւն թող ըլլայ... Հարաւային կողմն աշխարհի Պողպատեղ թող ըլլայ...»: Անդաստանը բառացի իմաստով կը յիշեցնէ նախ եւ առաջ հողն ու երկիրը: Յատկապէս բնութեան մէջ գիրկընդխառնուածը կը համարէ Անդաստանն ու Շմնդոց Գրքի հետեւեալ տողերը. «Երկիրը կանաչ խոտ թող բուսցնէ, սերմ տուող խոտ եւ իր տեսակին պէս պտուղ տուող պտղաբեր ծառ» (Շմնդ. Ա 11): ➔ Էջ 7

Հոգեգալստեան «Ամէն. ալելուիա»-ն Սեւանի մէջ

← էջ 3, 5

Հողին եւ հողէն ստեղծուած արարածոց առատութեան եւ օրհնութեան համար կազմաւորուած արարողութիւն մըն է սա, եւ Սեւանի շրջակայքն իր ամբողջ եւրեմամբ կարող է արարողութեան խորհուրդը խորացնել եւ ծիսական կանոնով օրհնութեան գաղտնիքը ներկայացնել հաւատացելոց: Ծիածանեալ Սեւանայ լիճը, խորարմատ Ս. Առաքելոց տաճարը, դիմացի դալարազարդ լեռները, կապուտակ երկինքը... Արարողութիւնը ներկայացնելն այս պարագային համահաւասար է բնութեան գեղեցկութիւնը գովելու, վասն զի այս շրջանի զարթուցեալ բնոյթով լի անդաստանին մէջ կը կատարուի եկեղեցական ժողովրդականացեալ արարողութիւնը՝ Անդաստանը:

Ահա այս եզակի արարողութիւնն սկիզբ առաւ, երբ միասնաբար երգել սկսանք. «Եւ եւս խաղաղութեան զՏէր աղաչեսցուք»-ը: Այլեւս ամէն ինչ եղանակաւ էր, քարոզներ ու պատասխանները եւ օրհնութեան կարգը, ու իրաքանչիւր անձ առաւել եւս կ'ոգեւորուէր, երբ իր կողքին երգող ուրիշ անձ մը եւս կը տեսնէր: Ալիք առ ալիք կը տարածուէր հզօր աղօթական մթնոլորտին բխած մաղթանքները: Իսկ միւս կողմէ, թերակողմի գազաթը ըլլալու պատճառաւ, արեւաշող դաշտերու վրայ ազդու կը դառնար զարմանային ուժեղ գեփիւքը, բան մը, որ ուր մնաց պիտի թոցներ բոլորս: Բայց նորէն ալ աւելի զօրաւոր ու ամուր կը շարունակենք երգել մաղթանքը. Ամէն. ալելուիա. ալելուիա. ալելուիա...

«Օրհնեսցի եւ պահպանեսցի եւ նախախնամեալ պահեսցի...»: Այս բանաձեւով կը սկսի աշխարհի չորս կողմերն օրհնելու տենչով պատրաստուած աղօթքը, զոր կ'արտասանուի հոգեւորականի կողմէ: Յատկապէս իմաստաւոր կը դառնայ այս արարողութիւնը, երբ կ'օրհնէք «վանքս, անապատս, քաղաքս եւ գիւղս» տեսնելով վանքը, անապատը, հայեցի քաղաքներն ու գիւղերը: Եւ կամ որքան եզակի պահ է «երկիրս անդաստանս եւ պտղաբերութիւն տարուոյս» ըսելը՝ ըլլալով պտղաբերութեան պատրաստ արտի, պարտզներու, պուրակներու մերձաւոր: Զետեալբար մէկ կողմէ աղօթեցի, իսկ միւս կողմէ բառերուն համապատասխան հայեցի սրբութիւններու մասին



մտածեցի: Յատկապէս մթնոլորտը յատկանշական կը դառնար, երբ ս. առաքելոց մատուցած օրհնութիւն կը բաշխէր Միմաս քահանան:

Հանդիսաւոր թափօրը դէպի Ս. Առաքելոց եկեղեցի յիշեցուցած էր Աղթամարի մթնոլորտը: Անդաստանի արարողութիւնը եւս կրկին անգամ եկաւ յիշեցնելու Աղթամարի Ս. Խաչ եկեղեցւոյ մէջ երբեմնի Վասպուրականի, այժմու Վանայ լճի կողքին մեր կատարած անդաստանները: Բնութեան մէջ կատարուած արարողութիւնները գրեթէ յար եւ նման են: Պահ մը յիշելով անցեալի արարողութիւնները՝ կարծեցի, որ փոխանակ Սեւանի կը գտնուիմ Աղթամար, փոխանակ ճեմարանականներու կ'երգեն պոլսեցի դպիր ու սարկաւազ եղբայրներս: Հաւատացեալներու եւս մասնակցութիւնն առաւել եւս կը պարարտացնէր այս զգացմունքը, եւ կը կարծեմ, որ Անդաստանի արարողութեան հազուագիւտօրէն ազդու եղած շրջանի մը մէջ կը գտնուէինք: Ուստի Անդաստանի ճամբով օրհնեցինք բոլոր աշխարհը, սակայն ի մասնաւորի աղօթքի կեդրոնական վայր ընկալելով Սեւանավանքը՝ յատուկ աղօթք բարձրացուցինք Սեւանական-

քի պայծառութեան եւ շրջակայքին անասանութեան համար: Ահա նման ոգեւորութեամբ է, որ աւարտին կը հասնի Անդաստանի արարողութիւնը, եւ Պահպանիչ աղօթքով յատուկ ձեւով կը յիշատակուիմ հայ ժողովուրդը, Հայ եկեղեցին, Մայր Աթոռ Ս. Էջմիածինը, Սեւանավանքը եւ Վազգէնեան հոգեւոր ճեմարանը ու հաւատացեալ ժողովուրդը: Թող որ Աստուած լսելի դառնայ ուխտաւորաց աղօթքները, եւ ամէն տարի Հոգեգալստի տօնին առաւել եւս շենցայ այս սրբավայրը. Ամէն:

Վեհափառ Հայրապետի տեսիլքը

Սեւանավանքի մէջ կատարուած արարողութեան աւարտին ուրախութեամբ պարուումն հոգայտ մէջ նաեւ մշմարեցի Սեւանավանքի կարեւորութիւնը եւ որպէս ապրող հաստատութիւն՝ իր ունեցած վերելքի տարիները: Նախորդ այցելութեանս ժամանակ լսած էի Սեւանավանքի վերահաստատման եւ Վազգէնեան հոգեւոր ճեմարանի վերածննդեան պատմութիւնը, որուն հիմնական ռահվիրան էր Ն. Ս. Օ. Տ. Տ. Գարեգին Բ Ամենայն Հայոց Վեհափառ Հայրապետը:

Յարութիւն արդ. ՏԱՄԱՏԵԱՆ

Րաֆֆու «Դավիթ Բեկ» պատմավեպը

← էջ 5

Գրողի գեղարվեստական երեւակայության հնարավորություններն անսպասելի, բայց նրա կառուցողական ձիրքը որոշակի պատմական իրականության պահանջների շրջանակում է: Վեպը, ինչպէս մեզից, բաղկացած է երեք գրքից: Դրանովանքը միագին է, պատումն իրականներ կան, որոնք սկսվում են շարադրանքի սկզբում, բայց որոնց հանգույցները վերջում են: Սա բոլորքում է ընթերցողական հետաքրքրասիրությունը եւ դիպաշարը դարձնում գրավիչ:

Հեղինակն ընթերցողին միանգամից մտցնում է գործողությունների մեջ. «Մինչեւ 1722 թվականը, այսինքն՝ մինչեւ Դավիթ Բեկի հայտնվիլը, հայոց մեկըները տակավին պահպանել էին իրանց մշակութային» (Րաֆֆի, «Երկերի ժողովածու», հ. 7, Երեւան, «Սովետական գրող», 1985, էջ 7. հաջորդ մեջերումներն այստեղից են): Եվ սկսվում է հայոց երկրի բուն իրականության, մեկըների ու կամ ինչ լինելու մանրամասների նկարագրությունը: Րաֆֆին շատ արագ, մի քանի ուրվագծերով ստեղծում է վիպական կենդանի միջավայր, ինչին մեծապես նպաստում են ոչ միայն կերպարների կենսականությունը, տեղանքի տարածական ամբողջական ճկարագրությունը, այլեւ մանրամասների ճշգրտությունը, եւ դա այնքան բնական, որ ընթերցողը հայտնվում է նրա պայմանական իրականության մեջ: Այստեղ է գեղարվեստի հմայքը եւ մեծ գրականության մշակակալությունը:

Գործողության մեջ է մտնում Գենվազի երիտասարդ իշխան Ստեփանոս Վրթանեսյանը՝ Շահումյան տնից, որը, զրկված հայրենական ամրոցից, թափառում է Սյունյաց աշխարհում եւ մեկըներին հորդորում «միաբանվել ու ընդհանուր ապստամբությամբ թոթափել խաների ծանր լուծը» (էջ 11): Րաֆֆին որքան ազգապաշտ, բայց նույնքան էլ խիստ է ստրկության դատապարտված իր ազգակիցների հանդեպ,

ինչը վիպական հյուսվածքի ներքին շերտով առաջ է գնում: Ձանգվածի վերածված ժողովրդին արթնացնելու հույսով՝ գրողը նաեւ ասում է. «Հայ ժողովուրդը կատարյալ ոչ-խարային բնավորություն ունի, մեկը պետք է առջեւից գնա, որ մյուսները հետեւեն նրան» (էջ 12): Հիմա այդ *Մեկի* հարցն է՝ Ո՞վ կարող է լինել այդ մեկը» (էջ 12): Այդ մեկը իմքը՝ Ստեփանոսն է: Բայց ինքը ընդամենն ունեզրկված իշխան է, որովհետեւ Գենվազի իր ամբողջ գավառը հիմա խանի սեփականությունն է: Եվ նա որոնում է իր մանակ այդ *Մեկին*, որը *Դավիթ Բեկն* է: Ահա նրան հայրենիք կանչելու նպատակով Օրդուբադում կմիջներ է պատվիրում մի հրեայի, որպեսզի մշակավոր մարդկանց անուկներով մասնակցեր հասցեագրի Դավիթ Բեկին:

Սա պատումն առանցքային գիծն է, բայց զուգահեռաբար Րաֆֆին խորանում է այս ոսկերիչ հրեա Հարունի կենցաղի մեջ, մտնում նրա տուն, ի ցույց դնում հրեայի եւ նրա կնոջ՝ Եսթերի չղասավորված հարաբերությունները, ներկայացնում պատճառները, բացահայտում հրեայի բնավորությունը: 65-ամյա հրեան ամուսնացել է 16 տարեկան աղջկա հետ եւ նրան ու երեխային տան վանդակի մեջ պահում է սոված ու արհամարհված, որովհետեւ նրանք միայն կուտակման կիրքն է: Փողի անուն լսելիս հրեայի աչքերում փայլում է մի «...տեսակ լույս, որ կարելի է տեսնել քաղցած գայլի աչքերում միայն» (էջ 16), մինչդեռ, ոսկու եւ արծաթի կույտեր դիզելով հանդերձ, նա ներկայանում է վերջին մուրացկանի պես: Վեպի ընդհանուր համակարգը նկատի ունենալով՝ այստեղ Րաֆֆին կարող էր այդքան չխորանալ, որովհետեւ դա վեպի առանցքային պահանջը չէր, բայց խորանում եւ ուրվագծում է մանրամասներ, շարադրանքը դարձնում հետաքրքրական եւ ստեղծում վիպական տեսանելի միջավայր: Այս ամենով հանդերձ՝ հատվածը ոչ թե մնում է մեկուսի՝



Գործ է. Իսաբեկյանի

որպես առանձին պատմվածք, այլ ձուլվում է վիպական համապատկերին՝ որպես տեղային դիպուկ ուրվանկար:

Րաֆֆին վարպետորեն կարգավորում է թե՛ *վիպական տարածությունը* եւ թե՛ *վիպական ժամանակը*. «Մինչ հրեան կպատրաստե կնիքները, եւ կպատմեն մի անցք, որ պատահեց մուտավորապես տասնհինգ տարի առաջ» (էջ 22): Հիմա արդեն 15 տարվա վաղեմությամբ գործողության մեջ է մտնում Ֆաթալի խանը: Երեւում է մեկը Դավիթ Ուրացողի դուստր Սյուրին՝ խանի հարեմի զարդը, երեւում է Մերթինի դարձած, անունը փոխած, բայց հայության դատից չհեռացած՝ ծնունդով

Հոգեգալստեան տօնին կատարուած այս արարողութիւնը եւ մթնոլորտին խիստ տպաւորիչ ներշնչանքը անգամ մը եւս ուղղեցին, որ աւելի քան 30 տարի առաջ վերստին հիմնադրուած կառոյցին յառաջադիմութեան թափանցենք: Այս մէկն ազգիս Վեհափառ Հայրապետին տեսլականին հաւաստիքը պէտք է համարուէր, որովհետեւ 1990-ական թուականներուն Հայաստանի բազմապիսի անկեալ դարեւանական համալիրներուն մէջէն ընտրուած էր Սեւանը, եւ այսօր նոյն կառոյցը թերակողմի շրջակայքին մէջ կը դառնայ Հայ եկեղեցւոյ անմահ սրբավայրերէն մին: Վեհափառը կարող չէր այլ վանք մը կոչել որպէս դարանոց եւ Սեւանը միայն թողուլ Ս. Առաքելոց եկեղեցիով: Կարող էր անշուշտ թէ: Սակայն կը կարծեմ, որ տեսաւ Սեւանաւճիռն անմահ շունչը, կապոյտին եւ կանաչին իրար խառնուած շքեղ պատկերը ու որոշեց զարթուցանել Սեւանը: Սեւան անմահ ծովուն կողքին բարձրացած այս շքեղ համալիրն ահա ներկայիս կը մնայ իր բարձր պատմեշին վրայ՝ շնորհիւ ու օրհնութեամբ Վեհափառ Հայրապետին: Վազգէնեանի սաները կ'ըմբռնեն Մաշտոց վրդ. Եղիվարդեցիի սրբակենցած շունչով 9-րդ դարուն կառուցուած Սեւանավանքը ու կ'երգեն Սեւանայ բարձունքին իրենց ներշնչողական ձայնով. Ամէն. ալելուիա. ալելուիա. ալելուիա...

Ահա անդաստանի աղօթքներուն մէջ յիշուած «Հայրապետութիւն Հայոց» բանաձեւը կը վերաբերի Մայր Աթոռ Ս. Էջմիածնին, որ կը հոգայ իր սրբավայրերուն ըստ կարելոյն, եւ նոյն բանաձեւի ճամբով կը յիշատակուի նաեւ Վեհափառ Հայրապետը, որ Սեւանի վանքի մասնաշաղկապն է մեզէն կը մնայ հիմնադրողն ու տեսնողը Սեւանի վանքի հիւսնալի մթնոլորտին: Թող որ Աստուած լսելի դառնայ աղօթքները, եւ Սեւանավանքի օրհնութիւնը միանայ Մայր Աթոռոյ արմատներուն. Հոգեգալստեան տօնախմբութիւնը նաեւ նոր տեսիլքներով օժտէ Նորին Սրբութիւնը, որպէսզի որպէս Հայրապետ ազգիս Հայոց՝ շարունակէ նոր հիմքեր դնել Հայ եկեղեցւոյ անդաստանէն ներս. Ամէն:

Շարունակելի

Դավիթ ԳԱՄԱՐՈՅԱՆ
Բանասիրական գիտ. դոկտոր, պրոֆեսոր
Արվեստի վաստակավոր գործիչ

Ներսես Հնորհալու ստեղծագործությունների մանկավարժական բնույթը

← էջ 3

Բարոյադաստիարակչական այս նպատակի ավանդները գալիս էին դեռ 5-րդ դարի պատմիչներից: Շարունակելով հետեւել խորեմագուն՝ ինքնաճանաչման, ազգային ինքնագիտակցության, պատմական հիշողության արթնացման համար, Շնորհալին եւս նույն կարեւոր հարցադրումներն է անում. ով ենք մենք, որտեղից ենք գալիս: Այս հարցերի պատասխանները գտնելը խիստ անհրաժեշտ էր նաեւ Շնորհալու ժամանակ:

Իր երկի նպատակը Շնորհալին համարում է նաեւ իր հասակակիցներին՝ երիտասարդներին, հոգեւոր «խրախճանք տալը» (էջ 37).

Հասակակցաց խրախճան տուեալ, որք իմաստից են ցանկացեալ:

Իսկ այս նպատակի իրագործման համար շատ կարեւոր է հակիրճության մեթոդի կիրառումը, ինչին դիմում է Շնորհալին: Առհասարակ նյութի հակիրճ, ամփոփ ներկայացումը մեծ նշանակության ունի ուսուցման գործընթացում հաջողելու հարցում (էջ 34).

Չոր կարճառօտ եւ ըստ կարգի Շարագրեցից յայսմ տառի, Չվերճանողը մաղթելի,

Գեր քան զկարն չխնդրելի:
Բացի նախերգանքից՝ «Վիպասանութեան» մեջ եւս Շնորհալին մի քանի անգամ ընդհատում է խոսքը՝ ընթերցողին չձանձրացնելու նպատակով (էջ 43–44).

Եւ յալ բազում գոն համարեալ, որ ի սոսա են յարմարեալ, Չոր աւելորդ թուի վարկեալ, Շուկազունից լուր ծանրացեալ:
Զգալով, որ Աբգարի մասին խոսքը երկարում է, բանաստեղծը գրում է (էջ 54).

Չոր աշխարեմ ոչ յերկարեալ, Չի կանխագոյն էաք դարձեալ:
Պոեմն սկսվում է «Վիպասանութիւն նախնի՝ ըստ Հոմերի, սկսեալ ի վերուստ» խորագրով: Շնորհալին նկարագրում է արարչագործության պատմությունը, հակիրճ ներկայացնում մարդու՝ դրախտից վտարումը, մեղքով ապականվելը, Զրիեղեղը, Նոյի փրկությունն ու նոր մարդկության սկիզբը: Աշտարակաշինությունից եւ լեզուների բաժանումից հետո Թորգոմի սերունդները բնակեցնում են նաեւ Հայաստանի տարածքը: Այս հատվածը չպետք է դիտել միայն կրոնական



լուսի մերթ: Շնորհալին հայ ազգի ծագումնաբանությունը հանգեցնում է մարդկության ծագմանը, ցույց տալիս ազգային արմատների ծագումը, հայոց ազգի սերունդ Նոյի սերունդներից: Հայկ նահապետին նվիրված հատվածը բավականին կարճառօտ է, բայց կարեւոր բնութագրումներով: Նշվում է, որ Հայկի անունով կոչվել ենք հայեր, իսկ Արամանյակի անունով՝ «Արմենք մեք կոչեցեալ»: Այսպես՝ Շնորհալին տալիս է նախաբանում առաջադրած «ով ենք մենք», «որտեղից ենք գալիս» հարցերի պատասխանները:

Խորանցում հետեւելով էւ որպես հիմնական աղբյուր ունենալով Շնորհալին եւս պատմական անախորհրդմի է դիմում՝ խախտված ներկայացնելով պատմական անձանց եւ դեպքերի ժամանակագրական հաջորդականությունը: Բայց դա չի խանգարում գլխավոր նպատակի իրագործմանը՝ արթնացնել պատմական հիշողությունը, նախնիների գործերի օրինակով հայրենասիրություն սերմանել, ոգեւորել ու մղել պետականության վերականգնման համար պայքարի:

Շնորհալին իր հայրենասիրության դասը ժողովրդին փորձում է տալ անցյալի նշանավոր գործիչների կյանքի ու գործերի օրինակով: Ըստ այդմ՝ կերպարային համակարգը բեւեռացված է՝ բաժանված դրական ու բացասական հերոսների: Ա. Մաղոյանը նշում է, որ Շնորհալու հերոսներից շատերը կերպար չեն դառնում, չեն

մարմնավորվում, անկենդան են, ինչը պայմանավորված էր վիթխարի ծրագրի եւ համեմատաբար փոքր ծավալի հակասությամբ (տես Ա. Մաղոյան, *Մշվ. աշխ.*, էջ 230): Իր ընտրած հերոսներին Շնորհալին հաճախ ներկայացնում է ոչ թե գործողության մեջ, այլ փառաբանում է հայրենամովեր գործերի համար կամ պախարակում վատահամբավ արարքների դեպքում: Կարծում ենք՝ այս թվարկումը եւս բխում էր ժանրի առանձնահատկություններից եւ համապատասխանում էր նրա ծրագրին ու նպատակին, որքան էլ տուժել է պոեմի գեղարվեստական կողմը:

Շնորհալին հայ գրականությունը բերեց նոր կերպարներ: Նա ցանկանում էր իր կերպարների միջոցով սերունդներին տալ ռազմական-ֆիզիկական, հոգեւոր ու գիտական բազմակողմանի կրթություն: Այս ամենից անբաժան էր քրիստոնեական բարոյախոսությունը, որը եւս պակաս կարեւոր նշանակություն չունեւ սերունդների դաստիարակման գործում: Հայ նշանավոր արքաների եւ հոգեւոր-մշակութային գործիչների մասին Շնորհալին խոսում է մեծ սիրով ու հիացմունքով՝ ցանկանալով համանման զգացումներ ներշնչել նաեւ ընթերցողին: Պարթեւ Արշակ Մեծը Հայաստանի գահին է բազմեցնում իր եղբորը՝ Վաղարշակին, որը հաղթում է թշնամիներին, վերականգնում թագավորությունը, մի շարք կարեւոր բարեփոխումներ անում երկրում (էջ 46).

Որոյ գօրօք բազմօք եկեալ, Մակերդնեանց յաղթող գտեալ, Չարքայական գահ յօրհնեալ էւ նախարարս հաստատեալ: Բաղաբական օրէնս եղեալ էւ բարիքը կարգաւորեալ...

Պատահական չպիտի համարել այս բարեկարգումների թվարկումը. Շնորհալու ժամանակ եւս հայերը խնդիր ունեին բուն Հայաստանում վերականգնելու թագավորությունը, իսկ Կիլիկիայում պահպանելու ստեղծած անկախ իշխանությունը, կարգավորելու ինչպես քաղաքական, այնպես էլ հասարակական կյանքն ու հարաբերությունները:

Ապա Շնորհալին մեծ հպարտությամբ է ներկայացնում այն արքաներին, որոնք ոչ միայն պահպանել են հայրենի երկրի սահմանները, այլեւ ընդարձակել են դրանք: Այս դեպքում հայրենիքի պաշտպանության, հզորացման համար

մղված մարտերը չեն հակասում քրիստոնեական բարոյախոսությանը: Պոեմում այդպիսի հերոսներ են Արտաշեսը, Տիգրան Միջինը, Խոսրով Արշակունին: Արտաշեսը համեմատվում է Ալեքսանդրի հետ եւ նույնիսկ նրանից առավել քաջ համարվում (էջ 48).

Քան զԱղեքսանդր վեհ եղեալ, Պոլիկրատեայ գովաբանեալ:
Նույնիսկ հպարտությամբ է խոսում Տիգրանի մասին, որը հաղթել է հռոմեացիների զորքին, սպանել նշանավոր զորավար Կրասսոսին եւ գերել Զյուրկանոսին: Իսկ Խոսրով Արշակունին, մեծաթիվ զորք զուամրելով, հասել է Տիգրան, հաղթել Արտաշիրին, նրան ստիպել փախչել միջին Հնդկաստան:

«Վիպասանութեան» միայն աշխարհիկ պոեմ լինելու տեսակետը հերքվում է նաեւ այն հանգամանքով, որ առաջին ընդարձակ հատվածները նվիրված են քրիստոնյա արքաներին՝ Աբգարին եւ Տրդատ Մեծին, Գրիգոր Լուսավորչին եւ նրա տոհմին: Հեղինակի անմիջականությունը, անձնական գործվալի վերաբերմունքն են զգացվում Աբգար թագավորի նկարագրում (էջ 52).

Աստ հրճուիմ ես ցնծացեալ, Թագաւորաւս իմ պանծացեալ, Չի քան զԹովմաս յառաջացեալ, Չերանութիւն մարդկան բերեալ:

Ուշագրավ է Տրդատ Մեծին նվիրված հատվածը: Վերջինս պոեմի կենտրոնական կերպարն է: Պահպանողների չհաշված՝ ամենածավալուն բնութագիրը տրված է Տրդատ Մեծին: Այս փաստը բավականին հետաքրքրական է: Իհարկե, նախ եւ առաջ Տրդատի կերպարի հիմքում քրիստոնեությունը որպես պետական կրոն ընդունած արքա լինելու փաստն է, բայց Տրդատի կյանքը, կերպարը շատ այլ առումներով էլ են հետաքրքրել Շնորհալուն: Վերջինս Տրդատի արտաքին, ուժի գովքը տալիս է հոմերոսյան վիպասանությունների հետեւողությամբ եւ համեմատություններով: Շնորհալու կարեւոր դասերից մեկը հենց այստեղ է. պիտի վերագտնել այդ ուժը, քանզի այդպիսի ուժի կրող անհատը վերականգնեց հայոց պետականությունը, իր հոր գահը (էջ 63).

Առ ի քաջաց քաջ երեւեալ, Եւ յաղթանդամ իսկայացեալ, Ուժեղ, կարող, անյաղթ գտեալ...

Շարունակելի

Գոռ ԳԱՍՏՅԱՆ
ԵՊՀ-ի աստվածաբանության ֆակուլտետի
ասպիրանտ, ԳՊՄՀ-ի բանասիրական
ֆակուլտետի մագիստրոս

Արդվի գյուղի պատմաճարտարապետական նշանավոր հուշարձանները

← էջ 6

* * *

Հայոց պատմությունը հարուստ է հասարակական-քաղաքական ու եկեղեցական նշանավոր այնպիսի գործիչներով, որոնք անուրանալի հետք են թողել իրենց ու հաջորդ դարաշրջանների ազգային-եկեղեցական ու կրթաշահության կյանքում: Այդպիսի լուսավարչառ գործիչ է Հայոց Կաթողիկոս (717–728 թթ.), աստվածաբան, իմաստասեր, մատենագիր ու շարակաճար Զովհաննես Գ Օձնեցին:

Անգնահատելի է Օձնեցու դերը Հայոց եկեղեցու ժամերգության կանոնակարգման, կանոնական իրավունքի, մատենագրության, եկեղեցաշինության մեջ:

Կաթողիկոս Զովհաննես Գ Օձնեցին վայելել է սրբակենցաղ հոգեւորականի համբավ, աչքի ընկել բազում առաքինություններով, որոնց մասին վկայում են հայ պատմիչները եւ պատմական հիշատակարանները: Իր ազգանվեր ու եկեղեցաշին գործունեությանը, մատենագրական բեղուն վատակով նա խոր ակոս է թողել հայ ժողովրդի եւ Հայոց եկեղեցու պատմության մեջ:

Կյանքի վերջին տարիներին Օձնեցին մեկուսացել է հայրենի Օծուն գյուղում, զբաղվել ուսուցչությամբ, աղոթքներով ու ճգնակեցությամբ: Երջանկահիշատակ հայրապետն իր մահկանացուն կնքել է 728 թ.: Հայսմավուրը Զովհաննես Գ Օձնեցու հիշատակի օր է նշում ապրիլի 17-ը, ինչն էլ հիմք ընդունելով՝ Մաղաբիա արք. Օրմանյանն ապրիլի 17-ը համարում է Օձնեցու մահվան օրը: Ավանդաբար Օձնեցու թաղման վայր է նշվում Օծունից ոչ հեռու գտնվող Արդվի գյուղի Ս. Հովհաննես (Սրբանես) վանքի հյուսիսային եկեղեցու բեմին կից դամբարանը, որը հնուց ի վեր վերածվել է ուխտավայրի:



Հայ Առաքելական եկեղեցին Զովհաննես Գ Օձնեցուն դասել է սրբերի շարքը եւ հիշատակը տոնում է Մեծ պահքի 4-րդ՝ «Տնտեսի կիրակի»-ին նախորդող շաբաթ օրը (սուրբ Զովհաննես Երուսաղեմացու, սուրբ Զովհաննես Գ Օձնեցու, սուրբ Զովհան (Զովհաննես) Որոտնեցու եւ սուրբ Գրիգոր Տաթևացու հիշատակի օր):

Օձնեցու շուրջը հյուսված բազում ավանդադրույցները վկայում են, թե որքան մեծ ակնածանք ու հռչակ է նա վայելել ժամանակակիցների ու հետագա սերունդների շրջանում, ներկայացվել ու պաշտվել է որպես հրաշագործ սուրբ: Այդ ավանդադրային պատմությունների առատությունը հուշում է Օձնեցու գործունեության եւ վաստակի գնահատման, արժեւորման չափը, որի շնորհիվ ժողովրդի հիշողության մեջ իր արժանի տեղն ունի սրբացված ազգային-եկեղեցական մեծ գործիչ կերպարը:

1999 թ. «Թումանյան» հայրենակցական բա-

րեգործական ընկերության ջանքերով Օծուն գյուղում կանգնեցվել է Զովհաննես Գ Իմաստասեր Կաթողիկոսի հույակերտ արձանը (քանդակագործ՝ Գր. Նահապետյան):

Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի օրհնությամբ եւ Գուգարաց թեմի առաջնորդ Սեպուհ Եպս Չուլջյանի նախաձեռնությամբ 2003 թ. հունիսի 3–5-ը Հաղպատում կայացել է «Ս. Զովհան Օձնեցի Հայրապետը եւ իր ժամանակը» խորագրով գիտաժողովը:

2017 թ. դեկտեմբերի 5-ին Մայր Աթոռ Սուրբ Էջմիածնի Գեորգյան հոգեւոր ճեմարանի Կոմիտասյան սրահում, Ն. Ս. Օ. Տ. Տ. Գարեգին Բ Շաղապույն Պատրիարք եւ Ամենայն Հայոց Կաթողիկոսի բարձր նախագահությամբ, տեղի է ունեցել «Զովհան Օձնեցի Իմաստասեր Կաթողիկոսը եւ նրա ժամանակը» խորագրով գիտաժողովը: Ս. Զովհան Օձնեցի Կաթողիկոսի գահակալու-

թյան 1300-ամյակին նվիրված այս գիտաժողովը կազմակերպվել է Գուգարաց թեմի, Գեւորգյան հոգեւոր ճեմարանի եւ Մայր Աթոռի «Վաչե եւ Թամար Մանուկյան» մատենադարանի նախաձեռնությամբ:

Շարունակելի

Արման ՄԱՆՈՅԱՆ
Պատմական գիտ. թեկնածու

ՔՐԻՍՏՈՆՅԱ ՀԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝
Մայր Աթոռ Սուրբ Էջմիածին

Հրատարակիչ՝
«Քրիստոնյա Հայաստան»
թերթի խմբագրություն

Գլխավոր խմբագիր՝
Աստղիկ Ստամբուլյան

Գրանցման վկայական՝ 624
Խմբագրության հասցեն՝
Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝ qristhay@etchmiadzin.am
astghikstam@gmail.com

web կայք՝
krishayas.wordpress.com

Ստոր. տպագր. 15.06.2022 թ.

Տպաքանակը՝ 1225